



Anleggskomiteèn I.L. Trio

Anleggskomiteèn i idrettslaget Trio ønskjer å retta ei stor takk til alle støttespelarane i arbeidet med å rehabilitera Husnes stadion, ny turveg og lys i turvegen.

Anlegget er på det næraste ferdigstilt og det er blitt eit flott anlegg med svært gode eigenskapar og gledeleg stor bruk.

Det blei ein lang prosess frå Tjerand Lunde lanserte idèen om fast dekke på friidrettsstadion, etter at Kvednabekkjen kunstgrasbane stod ferdig i 2006, til anlegga stod ferdig sommaren 2014, ja, det tok 8 år. TTT (ting-tek-tid!)

Etter omarbeiding av prosjektet auka kostnadane monaleg frå vel 11 millionar til 16,1 millionar kroner. Kvinnherad kommune har delteke med 5,7 millionar kroner (2, 8 mill. netto), kompensasjonsmildar med 3,15 millionar, Sparebank 1 stiftinga Kvinnherad med 900.000 kroner og Gjensidigestiftinga med 500.000,- kroner. I tillegg har ei rekkje verksemder og privatpersonar ytt større og mindre tilskot, både i form av kontantar, varer og tenester. Spelmidlane er kalkulert til 4,15 millionar kroner. Trio har ytt 4,65 millionar kroner i kontantar, inkl. kompensasjonsmidlane.

I utarbeidinga av ny prosjektbeskrivelse endra utforminga av anlegget seg vesentleg og det vart lagt opp til høgrare finish i tillegg til at ny turveg og lys i turvegen vart innarbeida.

Det måtte nye vedtak til i klubben og det måtte nye politisk vedtak på plass. Vi kom i mål med begge deler. Anleggsstart var 19. august 2013. Toppdekket var verdigmerka 20. juni 2014, og anlegget var klart til bruk.

Heile anlegget har fått ny effektiv drenering, noko som viser godt igjen på grasmatta.

Montering av gjerde på ringmuren rundt banen var eit stort løft. Om lag 1000 dugnadstimar gjekk med på denne jobben også. Den store dugnadsinnsatsen med montering av gjerde står det respekt av. Om lag 70 personar er registrert på dugnaslistene her.

Rydding av turvegtrasè, førebuingarbeid, møteverksemd og mindre dugnadsjobbar representerer også om lag 1000 dugnadstimar. Det vil seia at klubben har arbeida 3000 dugnadstimar for å få realisert det flotte anlegget me kan visa fram i dag.

Me takka den politiske leiinga for å ha vore løysningsorientert og positive når utfordringane har dukka opp.

Den enorme dugnadsinnsatsen frå Trio-medleman var heilt avgjerande for realisering av prosjektet. Denne innsatsen representerer kr 1.690.100,- i sluttrekneskapan (ikkje slutthandsama politisk). Etter bygginga av Triohuset, er arbeidet med rehabilitering av Husnes stadion, bygging av turveg og lys i turvegen, den største dugnadsinnsatsen i laget si historie, inkludert det store løftet det var å byggja Kvednabekkjen.

Utanom dei tre formelle prosjekta, har me og bygd ny tribune med tribunestolar frå Haugesund stadion. Her er det lagt ned ganske nøyaktig 1000 dugnadstimar. Desse timane er brukt til demontering og transport av stolane frå Haugesund. Bygging av ein heilt ny tribune og montering av stolar på tribunane på kvar side av Tribunehuset. Samla er det 638 sitjeplasser. Om lag 70 stolar står at å montera. Desse er tinga frå England og vil bli monterte før sesongstart 2015. Kvinnherad kommune har kosta materialane til den nye tribunen på vestsida av Tribunehuset. Dei har og kosta mykje forbruksmateriell.

Me vil retta stor takk til Ivar Kåre Døssland ved Tekniske tenester i Kvinnherad kommune for det gode samarbeidet og den store velviljen han har vis for at anlegget skulle få den fine ramma me ser i dag. Me vil og gjie ros til Dimmelsvik Entreprenør for det gode samarbeidet.

Anleggskomitèen ønskjer å retta eit stor takk til alle som har delteke på dugnadane, dette kan me vera stolte av!!

Ny kunstgrasbane

I november 2009 gjorde årsmøte i I.I. Trio fotball vedtak om å søkja Kvinnherad kommune om å få rehabilitera deler av grusbane og leggja kunstgras. Det er positiv innstilling til dette frå politisk og administrativt hald i kommunen. Trio må ta fatt på dette arbeidet når den nye områdeplanen for skule-, helse- og idrettsområdet på Husnes blir vedteken, truleg i april 2015.

Planane frå 2009 beskrive ein 7ar-bane, men planane bør omarbeidast til 9ar-bane. Denne banen er tenkt nytta til skulane og barnehagane på dagtid.

Ny kunstgrasbane på grusbane er kostnadsrekna til vel 2 millionar kroner. Denne summen vil venteleg stiga noko med auke av speleflata.

Områdeplan

Det blir arbeidd med ein ny områdeplan for skule-, idretts- og helseområdet på Husnes. Planen skal sikra areal til framtidig trong for areal til desse tenesteområda. Trio har vore aktiv pådrivar og for å halda liv i framdrifta av planarbeidet. Trio har og teke initiativ til fleesemøte med alle brukarane av området, skular, barnehagar, helsedelen og andre. Det har ved to høve vore sendt fellesuttale frå brukarane med merknader til planarbeidet.

Ny kafeteria,utstysrom og garasje

Det har i lengre tid vore tankar om å få til eit eige bygg på grusbane. Dette er tenkt å hysa kafeteria, utstysrom og garasje for traktor og anna utstyr. I desember fekk Trio tilslag på ein brakkerigg hos Søral som Kvinnherad kommune har gitt midlertidigløyve til å plassera på grusbane. Endeleg plassering og evt. tilkopling av straum, vatn og avløp må avklarast når områdeplanen er vedteken.

Det er kjøpt inn ein kontorbrakke frå Hydro Husnes As til dette føremålet. Målet er å få plassert denne i løpet av dette året.

Deltaking på møte:

Anleggskomitèen har delteke på ulike møte med Kvinnherad kommune både om planarbeid og om praktiske oppgåver vedk. rehabilitering av stadion.

Anleggskomitèen har elles hatt eit svært travelt år med rehabiliteringa av Husnes stadion, turveg og lys i turveg. Det har vore halde nærare 20 møte og det har vore ei rekkje uformelle samlingar og samtalar i tillegg mellom komitèmedlemane, med byggjeleiar, entreprenør og andre involverte aktørar.

Anleggskomitèen:

I anleggskomitèen har desse vore med i planleggingsfasen: Tjerand Lunde, Otto Kolaas, Roald Teigen, Oddmund Røssland, Arne Torget, Dagfinn Jensen, Egil Jacobsen, Jan B. Ingvaldsen, Knut Røyrvik og Svein Røyrvik. Desse har ikkje vore engasjert i det praktiske utbyggingsarbeidet.

Roald Teigen, Otto Kolaas, Oddmund Røssland og Svein Røyrvik har vore Trio sine medlemmer i byggjekomitèen og kontaktar med Kvinnherad kommune og entreprenør og underleverandørar.

OnsdagsGjengen

Onsdag 12. november 2014 var første treffet for den nystarta dugnadsgruppa. Dei møter på Trioloftet kvar onsdag kl 10-13 og tek del i ymse dugnadsoppgåver når vør og oppgåvene er til stades i rett tid. Det møter mellom 10 og 15 personar kvar gong.

OnsdagsGjengen har teke tak i å utarbeida planar, kostnads kalkyle og finansieringsplan for ny garasje ved Triohuset. Garasjen skal frigjera lagerplass i Triohuset, hysa garasje til buss (bussar?), traktor og utstyr til stadion og anna. Det kan bli aktuelt med utleige til Kvinnherad kommune. Garasjen er tenk å ha ei flate på inntil 10 x 16 meter.

Byggern Teigen skal riva det gamle S-laget i Rosendal. 2. etasjen her har betongelement til vegger, limtre dragarar, ståltak, isolasjon og papp. Me vil truleg kunna få alt dette gratis. Avklaring på dette vil me få i siste halvdel av mars 2015.

I tilfelle me lukkast å få desse byggjematerialane, ventar nye tøffe dugnadstak i løpet av våren og sommaren.

Vedlegg til årsmeldinga:

- Bildekavalkade rehabilitering Husnes stadion, før og under
- Bildekavalkade rehabilitering Husnes stadion, etter
- sluttregneskap rehabilitering Husnes stadion, bygging turveg og lys i turveg (ikkje politisk handsama!).
- kostnads- og finansieringsplan ny garasje ved Triohuset

Husnes, 10. mars 2015

Svein Røyrvik (s.)
leiar anleggskomitèen